

續修陝西省通志稿

第七十一冊

卷一百三九至一百四十

續修陝西通志稿卷一百三十九

金石五

漢

開通褒斜道石刻

存永平九年王氏金石萃編

摩崖橫一寸字徑三寸四寸共十六行行五字至十四字不等後段

今在褒城北石門

開通褒斜閣道摩崖字徑三四寸體界篆隸之間甚方整而長短廣狹不一余所見漢人書若韓城縣署內延光四年刻石亦此類也其文共計一百二十四字合之宋晏袤所云一百三十九字共少十一字當是所紀歲月也褒文中似又有永平九年四月字樣或此始創于六年成于九年復刻此石也中褒斜作

余橋閣作格並古字通

畢氏關中金石記

右碑歐趙洪三家俱未著錄宋紹熙末南鄭令臨淄晏袤始得之爲文紀其事然其地崖壁斗峻苔蘚阻深自晏令作記後六百餘年罕有津逮而摹搨者今巡撫畢公撰關中金石記乃搜討而錄之文字古樸東京分隸傳於今者以此爲最先焉郃郡晉邑以邑爲氏郃郡君惜未詳其名字也

錢氏潛研堂金石跋尾

司隸校尉楊孟文頌

建存和文見王氏金石萃編

石高九尺九寸廣七尺七寸二十二行行三十三字不等額題故司隸校尉樊豐爲楊君頌隸書今在襄城縣

碑云武陽楊君厥字孟文故水經注稱爲楊厥碑考之華陽國志則楊君名渙字孟文也洪适云厥實語助耳非名文內有云高祖受命興於漢中道由子午出散入秦以子午塗蒞難更隨圍谷復通堂光說與郃閣頌嘉念高帝之開石門元功不朽云云合出散入秦者散關也碑爲漢中太守樊豐爲武陽王升立以

櫨爲櫨用古字說文無櫨字

畢氏關中金石記

蒼頡廟碑

存年文見王氏金石萃編

碑高六尺一寸廣六尺二寸四分
列每列二十四行右側四列十行六字
左側三列不可紀第一列陰六行
第二五行第三四正行書左額穿在白水縣
有宋人題字第五行十字均隸書穿左

右蒼頡廟碑在白水縣東北五十里之史官村其地於漢爲衙縣春秋秦晉戰於彭衙即此地續漢志左馮翊有衙縣注引皇覽云有蒼頡冢在利陽亭墳高六丈後人因建廟於此縣以彭衙得名而漢志皆作衙字而碑作衙猶曲江之爲曲紅西城之爲西成也碑文雖漫漶諦視之尙有可識者惜洪丞相隸釋未著於錄不得其全文故不能通耳碑上穿之左有宋人題名四行呂大忠大防之兄嘗爲陝西轉運副使者也 碑陰之文更漫滅其兩側面各有字尙可讀其一面朔方臨戎孫羨云云歐

陽集古錄題爲朔方太守碑陰者蓋即此然碑所述者衙令孫
美筮本末朔方太守仇君則孫令之舉將與立祠無涉乃以朔
方標題誤矣其一歐公亦有跋而不知其爲何碑之陰蓋本四
面有字歐公僅得其兩側又誤分而爲二趙德甫金石錄有蒼
頡廟碑即碑之正面又有蒼頡廟人名即碑側之一面其又一
面與碑陰則趙亦未見洪文惠則全未之見

錢氏潛研堂
金石跋尾

西嶽華山廟碑

佚
延熹八年

碑高七尺七寸廣三尺六寸二分行三十八字郭香察錄
書額題西嶽華山廟碑篆書明季地震碑毀

右西嶽華山廟碑篆額在華州華陰縣桓帝延熹四年袁逢守
洪農郡以華嶽舊碑文字磨滅遂案經傳載原本勒斯石以垂
後會遷京尹乃勅水椽杜遷市石遣書佐郭香察書碑成於後
之四年蓋孫瑔典郡時也逢者司徒安之曾孫太尉湯之次子

嘗爲司空而卒史不載其曆洪農京兆乃闕文也東漢循王莽之禁人無二名郭香察書者察莅他人之書爾小歐陽以爲郭香察所書非也碑云四時中月省方柴祭不讀中爲仲其義亦通至以宣帝爲中宗則是借仲爲中說者漢世字少故多假借或曰漢人簡質字相近者輒用之予以爲不然亦好奇之過耳以帝者廟號而借以它字不恭孰甚焉

洪氏
隸釋

新豐郭香察隸書西嶽華山廟碑其結體連意乃是漢隸之壯偉者割篆未曾時或肉勝一古一今遂爲隋唐作俑如山子諸字是也余家華下近百年前有客訪其石已毀此揭獨巋然如魯靈光並嶽色同來暎發几席殘闕僅百二十餘字存者鋒芒鈎利如新拱壁駟馬云何可尙碑建於延熹而謂以莽制東京無二名察書者監書也夫莽漢賊也當莽世已欲啖其肉諸其

宮不顧安有世祖正位二百年尙尊莽制不衰耶按莽孫宗坐罪死莽曰宗本名會宗以制作去二名今復名會宗是當時亦自有二名也況取往牒一按二名不可勝紀則瞽說無據可笑

也

郭氏金不史

右漢西嶽華山廟碑延熹四年立隸書此書前明嘉靖年間地震石毀存於世者僅三本一爲華陰本今歸大興朱氏一爲長垣本今歸詒晉齋一爲四明本今歸揚州阮氏皆宋搨也華陰本闕字較多長垣四明本闕字較少此本乃曲阜孔氏摹刻雖具全文僅存形似又有大興翁氏長安裴氏揚州阮氏重刻本

惟阮氏本最佳

漢唐碑跋存

華嶽廟殘碑陰

存無年月

文見王氏金石萃編

碑高四尺五寸廣一尺四寸第一列存七行第二列惟四行有字餘皆斷缺緣書今在華陰縣

右武都太守等題名共七行稽其官制地名是漢時碑陰無疑然考隸釋隸續及金石集古等錄並無此刻乾隆四十四年修理嶽廟五鳳樓下所出古殘碑甚多此爲稱最焉

畢氏關中金石記

李翕析里橋鄮閣頌

存文見王氏金石萃編

磨崖高七尺六寸廣五尺五寸二十行二十七字隸書今在略陽縣

此碑相傳蔡邕書碑中太守李君諱翕今板本集古錄皆作李會或傳寫之誤唯鄭樵略曰李翕與碑合

趙氏石墨鐫華

鄮閣舊在棧道中頌磨崖石在橋旁今棧道已徙他處石亦磨泐縣令重刻於石後旁書縣令申如墳重刻七字八分書其書皆模仿筆法亦略相似按集古錄作太守阿陽李君今碑稱太守漢陽阿陽李君重鐫之碑不應有誤當是集古錄脫去漢陽

二字耳

朱氏雍州金石記

司隸校尉楊淮表紀

存 文見王氏金石萃編
平二年

廟崖高八尺三寸廣二尺二寸七行二十五字不等今在褒城縣

司隸校尉楊淮碑靈帝熹平二年同郡下玉過其墓爲勒此銘敘淮及弟弼前後歷官且稱其功德年盛當究三事不幸早隕又云俱大司隸孟文之元孫也紹興中此碑方出歐趙皆未見之碑云楊君厥諱淮字伯邳蓋以厥字爲語助時大司隸有石門碑亦云楊君厥字孟文今古皆以厥爲孟文之名得此始知其非凡稱元妃元兄元舅之類皆以長言之二楊俱曰元孫猶元士以元爲美稱也

洪氏續

郃陽令曹全碑

存 文見王氏金石萃編
中平二年

碑高一尺六寸廣三尺七寸六行二十行八行十五字碑陰共五列

五列四行均隸書今在郃陽縣

萬歷初郃陽縣舊城掘得此碑中平二年造內稱全爲戊部司
馬征疏勒王和德攻城野戰謀若湧泉威牟諸賁和德面縛歸
死還師振旅諸國禮遺且二百萬悉以籍官按范史西域傳和
德射殺其王自立涼州刺史孟佗遣從事任涉將燉煌兵五百
人與戊巳司馬曹寬西域長史張宴將諸國兵合三萬人討疏
勒攻楨中城四十餘日不能下引去二說不合且司馬爲曹寬
非曹全豈即其人范氏傳寫誤耶即紀功者張大其詞而面縛
歸死似非虛飾抑又何也碑又稱光和七年史光和止六年蓋
七年冬十一月始改元中平耳碑文隸書迺古不減卒史韓勅
諸碑且完好無一字缺壞眞可寶也

趙氏石
墨鵞華

仙人唐公房碑

存無年

文見王氏金石萃編

碑高八尺八寸廣三尺三分七行三十一字隸書額題仙人唐公之碑六字篆書今在城固縣

右唐公房碑歐陽集古錄作公昉碑趙氏金石錄作仙人唐君碑洪氏隸釋作仙人唐公昉碑篆額云仙人唐君之碑六字在碑額之偏右其篆字分二行君字在次行之首據隸續是君字今不可辨矣其一行第三字篆書唐字甚分明今隸續刻本誤又按歐陽集古錄謂不載其姓蓋歐陽公未見此碑額耳唐公房祠見於水經注華陽國志諸書隸續所引後漢書志即華陽國志文也

翁氏兩漢金石記

仙人唐公房碑陰

存 文見陸氏金石續編

隸書十五行行九字至十二字不等在城固縣

按仙人唐公碑陰題名十五人城固二南鄭十三其員職有江陽守長東部督郵司徒篆益州從事太守史褒中守尉之屬無員職者稱處士蓋即前碑所云群義是也碑載公房以王莽居

攝時得道舉家俱濟歷世莫紀後云漢中太守南陽郭君諱芝
字公載躬捐俸錢倡率群義繕廣斯廟又云刻石昭音揚君靈
譽是其繕廟刻石皆當後漢繕廟者爲郭芝倡義而刻石不著
撰書之人固即碑陰題名之群義爲郭君揚譽矣洪氏以碑爲
郭芝所立殊未審也

陸氏金石續編

右扶風丞李君通閣道記

存無年月文見陸氏金石續編

高二尺三寸廣一尺六寸隸書七行行十字至十三字不等在褒城石門西壁

右殘刻存六行零三字餘不可曉每行字數不等剝落殊甚故
同在褒谷而歐趙洪婁諸家俱未採錄味其語意解大臺由卑
下賈民懽喜行人蒙福蓋亦去險就夷以便於民故爲之刻石
紀功如開通褒斜橋路及石門頌之類不可沒也乃仞佛臨摹
存其大概李君字季士諱雷雷不可識必有闕誤處有以爲禹

字者殊不相似未敢定也歧字柄字亦不可辨姑存之宣禾都尉之名它處亦未見

馮氏金石索

摩崖四種

存

雲房

按碑在武功左方署鍾離子三小字鍾離權自號也權與兄簡俱得道華山歷漢及魏晉在唐時尤著異蹟今臨潼亦有雲房二草字乃金人移刺松齡摹仿而爲者此書嚮在岐山磨崖刻前令別刻一石易之鑿取此書移置署樓段君襄亭復移置武

功

黃氏拾遺唐

石門

按晏袤褒斜題記云昔高帝興王漢中出散入秦由子午塗路齒艱自秦取蜀之石牛道開通石門史雖不書建寧五年衡官

掾仇審頌太守李翕鄩閣碑云嘉念高帝之開石門元功不朽
則石門雖基於秦而開於高祖明矣至建和二年漢中太守王
升鑄碑石門中紀永平四年司隸校尉楊君孟文以詔書鑿通
石門則又從而廣之通道幾五十年至安帝永初元年西夷虐
殘橋梁斷絕復修子午凡十五年延光四年詔益州刺史罷子
午道復通褒斜則此路自秦漢以來通塞屢矣攷褒城誌北谷
口俗呼大石門南谷口俗呼小石門漢刻均在小石門此二字
各方二尺隸書渾樸沈雄無書者姓名相傳在永平四年鑿通
石門時也

石虎

按字方各二尺隸書後題鄭子貞考漢書子貞隱於谷口王鳳
嘗三聘不至今褒城有道人谷即子貞隱處也山有虎石故書

石虎二字

哀雪

按字各方二尺隸書橫列下署魏王在深澗之中急湍亂石瀆沫若雪故名滾雪灘考建安中魏武兩至褒中當係爾時所書

朝侯小子殘碑

佚 文從拓本錄入

缺 朝侯之小子也口口口口止旦齒履缺 參學兼遊夏服殷勤

缺 骨身行儉而度介缺 學中大生晨以被抱爲童冠講遠近稱僚

贈送禮賻五百萬已上君皆不受竭缺 不見雖二連居喪孟獻加

等無以踰焉缺 行以君爲首郡請署主簿督郵五官掾缺 否好不

廢過憎知其善每休歸在家匿缺 廉除郎中拜謁者以能名爲光

祿所上缺 訪姦雄除其蝥賊耀德戢名怕然無爲缺 言卜葬舍憂

憔悴精傷神越終歿之日缺 骨形銷氣盡遂以毀滅英彥惜痛老

小

缺

死而不朽當在祀典者矣故表斯碑以

缺

玉之眞辭賻距贈

高志凌雲烝烝其孝

缺

口頑凶哀動穹旻脈并氣結以隕厥身

右殘碑民國初年出陝西長安縣西北十五里楊家城即漢都城故址初爲骨董市馬張二姓所得售之藍田閭甘園售之天津周季木近聞已轉入東瀛矣石乃碑之下半文尙完好攷續漢書百官志云列侯中興以來賜位特進者次車騎將軍賜位朝侯

殿本朝下衍本廷字
此從汲古閣

次五校尉賜位祠侯次大夫又云列土

特進朝侯賀正月執璧云云是朝侯之名始自東漢此碑書法雅類曹全史晨後碑其爲東京刻無疑洪容齋云碑誌之作當直存其名無所隱諱趙德甫云漢時碑碣載其家世皆止書官爵非當代顯人遂莫知爲何人此碑止書朝侯而不書名字小子何人遂至無可攷證唯其仕官之跡德性之純可就碑文約

略得之碑云郡誦署主簿督郵五官掾又云休歸在家云云又

云

上缺

廉除郎中拜謁者以能名爲光祿按續志凡鄰國有五

官掾五部督郵又光祿勳屬官光祿大夫比二千石

漢官曰

謁

者三十人其給事謁者四百石灌謁者郎中比三百石荀綽晉

百官表注曰漢皆用孝廉年五十威容嚴恪能賢者爲之是小

子起家州主簿歷郡督郵五官掾休職旣而郡舉孝廉入官郎

中謁者洊升至光祿大夫也碑又云

上缺

卜葬含憂憔悴精傷

神越形銷氣盡遂以毀滅銘詞亦脉并氣結以隕厥身其蓋以

哀毀滅性夭其天年者至性如此史籍無聞都鄉孝友嚴舉碑

云孝弟之至通洞神祇

隸續

此碑之出殆有不容泯沒者在乎

又按漢碑多書元子

太尉公

鳳子

司空文列侯楊公碑

伯子

安平相

長子

逢盛楊震成伯著綬

以主器之重